



In dumënia ai 11 de Setëmber é gnü sughé la secunda partida dl campionat 2011/2012 de 3° categoria por La Val. La partida é gnüda sugada te cíasa contra la squadra da Neustift (squadra nòia por La Val). Trèi punç meritá por La Val, che é bugn da bater Neustift por 5 a 3. Na buna prestaziun soradüt dal attacco cun 5 de bi goi.

La partida á metü man bun por La Val, bel dô püc menüc é La Val prigorosa dan porta. En bel passaggio dala fascia ite ròia sòn Florian, mo bel avisa canche al é por trá scbriscel sot fora. Mo püch dedò é bun da fa le prüm gol por La Val. Daniel Frenes ròia sòn la fascia cun en bel passaggio de Romeo, al é bun da mèt la pala bel ite sòn le rigore ulache Florian aspeta. Cun en bel tiro al volo é bun da bater le portier. Dò che la pala ròia sòn le secundo palo röiel indò le pal te porta, en bel palo-gol al volo. La squadra avversaria ne é nia prigorosa, mo la difesa da La Val se stënta impó en pü ia dedò, suradüt deache ai sogá massa destacá un da l'ater. Sòn en pice fal de en difensur ròia en atacant da Neustift su dan porta, al pasa ia al compagn mo chël ne é nia bun da apogé la pala te porta. Sepl foss stè batü, mo por fortuna ne al nia aotchè le pal. Chèsta é stada üna dles püces aziuns dl Neustift tl prüm tēp.

L'secundo gol garetá sòn rigore, dò che Frenes Daniel é gnü mazè jö te area. Micky se prejentèia söl set y spiazèia complet le portier. L' prüm tēp se stlusc jö sòn le 2 a 0 por La Val. Da mèt man dl secundo tēp é La Val che süga sciöche ai sá da sughé, cun le pal bas y de beles combinaziuns. Insciö garetel ince le terzo gol por La Val, cun Moling David. Dopo é i menüc de Rubatscher Florian che fesc cíamò dui goi. Sòn le cuarto gol d' La Val é Daniel Frenes che fesc en bel recupero dl pal dlungia l'angolo, ulache le portier avversar y le defensiva ne se á nia cis capí. Al pasa ite a mez, Florian mēss ma plü apogé te porta.

Sòn le 4 a 0 é l'arbitr che fischia en rigore contra La Val, al è netto. Sepl ne é nia bun da le parè. Dopo é indò Florian che é bun da fa le 5 a 1, cun en bel tiro ad efetto che ròia sot le set contra le palo y spo te porta. La Val mina da avèi insciö la partida tles mans y se lascia insciö in pü dô fora. La difesa ne é nia plü buna da gní sò y insciö é en gran büsc danter centrocamp y difesa. Le 5 a 2 ti garetá al Neustif sòn na punizione ite a mez y cun en colp de testa é bun l'atacant da spiazè Sepl, che ne á degüna colpa. 5 menüc dala fin fesc cíamò Neustift l' 5 a 3. La partida se stlusc jö sòn le 5 a 3 por La Val.

Cun chisc trëi punç se porta La Val al 3° post te tlassifica.

La formaziun titolara: Kantioler Sepl, Castlunger Marco, Ploner Werner, Tavella Thomas, Sottara Werner, Frenes Daniel, Tschaffert Ivan, Rubatscher Romeo, Frenes Michael, Moling David, Rubatscher Florian.

Sostituziuns:

Nagler Max por Frenes Michael

Valentin Elmar por Tavella Thomas

Sottara Freddy por Tschaffert Ivan

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)

Por udëi fotos dla partida drüca: [FOTOS](#)